



Universitätsbibliothek Paderborn

Monumenta Paderbornensia

Ferdinand <II., Paderborn, Bischof>

Francofurti ; Lipsiæ ; Norjbergæ, 1713

III. Ante, & post Academias conditas è Westphalia egregios sapientiae
magistros prodiisse.

urn:nbn:de:hbz:466:1-29975

stanti labore ad summam eruditionis gloriam eniti, dum, quorum gratiâ Carolus illustre linguarum gymnasium considerat, subtiliorum quoque disciplinarum publicam sedem aliquando mererentur.

C A P U T III.

Ante, & post Academias conditas è Westphalia egregios sapientiae magistros produisse.

ID quâm maturè sint promeriti vel ex hoc licet intelligi, quòd cùm cæteras ferè gentes, cùm primùm ad Christiana sacra, civilemque cultum traducuntur, complures annos exterorum magistrorum disciplinâ antè formari necesse sit & perpoliri, quâm ex iis ulli ad ceteros docendos idonei possint existere, tamen hujus tanta fuit soli benignitas, ut simul colici cœperit, simul sapientissimos antistites proferre. Quid enim Hatumaro, quid Badurado hujus Ecclesiæ primis Episcopis earum artium defuit, quæ in laudatissimis populorum magistris prædicari solent? At hos ex eorum numero fuisse accepimus, quos gente perdomitâ Carolus obsides acceperat. Ab his acceptam pietatis litterarumque gloriam pluri- mi, quorum memoria Ecclesiarum cœnobiorumque litteris consecrata est, non modò propagarunt ad posteros, verùm etiam in longinquas & barbaras gentes incredibili labore sparserunt. Neque enim ignorare potes, Princeps Illustrissime, Westphaliæ primaria Collegia, ac cœnobia, atque in pri- mis finitimaterris tuis Corbeiam, eorum propè omnium fuisse gymnasium, qui ulteriore Saxoniam, Vandaliam Dianam primis Christianæ fidei præceptis & bonis artibus imbuerunt. Hinc enim Ansgarius, Rembertus, Adalgarius, Unno, Siegbertus, aliique viri immortalitate dignissimi pro- dierunt, qui morum sanctimoniaz, & scientiæ copiis, quic- quid inter Visurgim, & ultimos Borealis oceanii sinus terra- rum jacet, impleverunt. Neque vetustis modò illis tempori- bus tales Westphalia viros pariebat, verùm etiam ante annos

*Adamus
Brem.
Chronica
Corbeien-
sia.*

circi-

circiter trecentos, cùm nobilissimus equester ordo dignâ suis natalibus, suâque animi magnitudine in Livoniā expeditio-
ne susceptâ, populos ad eam diem à C H R I S T I sacris aversos debellare, & subjugare decrevisset, unâ cum iis multi indidem pii, eruditique homines sunt profecti, qui quos illi armis vince-
rent, ipsi religione, & humanitate excolerent. Cujus rei, ut hi-
storiarum monumenta deessent, testes esse possunt nobiles, &
locupletes Livoniæ Ecclesiæ, quæ se ad nostram usque memo-
riam Westphalis ferè præsulibus regendas dediderunt, quippe
visum est illis æquum esse, ut illi Ecclesiistarum opibus frueren-
tur, quorum eas majores suo labore, doctrinâ, præclarisque
exemplis instituissent. Hujusmodi hominum incredibile di-
ctu est, quantam copiam aluerit Westphalia, cùm in Ecclesiæ
Collegiis, religiosisque domibus omnis Christianè vivendi, re-
ctè sentiendi, atque dicendi ratio traderetur. Sed cùm in iis
domiciliis ii fere soli formarentur, qui sanctioris vitæ genus in-
ire statuissent, perspicuum est non perinde ad multos ejus di-
sciplinæ fructum permanasse, atque si nostrarum Academia-
rum more, omnibus honestarum artium amantibus adole-
scentibus promiscuè patuissent. Verùm hoc incommodum
iis temporibus fuit Westphaliæ cum pluribus regionibus com-
mune. At postquam Principum beneficio ea gymanasiorum
publicorum forma, quæ hodie est in usu, tandem increbuit,
proprium ejus malum fuit, in tanta præstantium ingeniorum
ubertate Academiâ carere. Quanquam Westphaliæ Acade-
mia defuit, Academiis Westphali nunquam defuerunt. Si
enim ea quæ in Germania & antiquitate, & celebritate nomi-
nis cæteris antecellunt, eorum imagines recenseant quorum
sunt ingeniis, & laboribus plurimum excultæ, reperient ab
ipsis incunabulis plurimum sibi splendoris à Westphalis acces-
sisse. Certè, ut alios præteream, cùm paucas etiam Academias
haberet Germania, ad Concilium Constantiense, quò constat
delectum eruditorum hominum florem convenisse, à duabus
primariis duo Westphali viri eruditione & auctoritate præ-
stantes publicè communi consensu missi memorantur. Ad-
erat

PANEGYRICI.

erat è Colonia Agrippinensi Theodoricus de Monasterio *Seff. 13.* Theologiæ Doctor, qui & verba in conventu habuit ad Patres, & in eorum numerum est allectus, qui in pestilentem Joannis Hussi doctrinam Concilii auctoritate, anquirerent. Aderat ex Heidelbergensi gymnasio Conradus de Susato & ipse *Seff. 16.* Theologiæ Doctor, atque apud Ludovicum Comitem Palatinum gratiolus in paucis, qui voluntate totius Concilii ad Petrum cognomento de Luna, qui se Benedictum XIII. ferebat, in ordinem redigendum, in ultimam Hispaniam, inter alios, legatus est profectus. Erfurtum verò inter præcipua sua lumina commemorat Godeschalcum Grefemundum Meschedensem, clarum in primis rerum divinarum scientiâ, cuius germanus eodem tempore Moguntiaci Medicus ac Philosophus habebatur eximus Theodoricus. Sed hujus famam in eadem Academia filius obscuravit, & ipse Theodoricus, quem Erasmus alicubi hominem appellat ab ipsa natura ad humanitatem, ad bonas litteras, ad eloquentiam illam verè Atticam, sculptum ac factum. Sed quid necesse est omnium Academiarum tabularia excutere, cùm sat multa à Westphalis relictâ teneamus in eorum libris eximiæ litteraturæ documenta, è quibus cognosci liceat, quantum vivi Doctorum exedras ornauerint, quorum tanto intervallo, defunctorum lucubrations, legentium & laudibus & profectu celebrantur? Ac recentibus quidem Academiis cùm vigeret etiam illud minus compatum, & amœnum, subtile tamen, & argutum disputandi scribendique genus, Theologiam, ut de ea præcipue loquamur, scriptis illustrarunt, præter Susatensem, & Meschedensem, de quibus memini, Henricus de Coesveldia, Wernerus Rollevicius, Henricus de Hervordia, Hermannus de Soldis Osnabrugensis, Hermannus in Campo, Henricus de Werlis, & alii complures, quorum extant plena eruditionis, ut iis temporibus, ingenii monumenta.

*Trib. de
script. Ec-
cles.*

*Annot. ad
ep. 9. So.
Hieron-
nym.*

CA-